



Broj: 20-34-~~9809~~ /19
Zenica, 11.06.2019. godine

Na osnovu člana 23. Zakona o namještenicima u organima državne službe u Federaciji Bosne i Hercegovine („Službene novine Federacije Bosne i Hercegovine“, broj 49/05), člana 17. Pravilnika o unutrašnjoj organizaciji Kantonalnog zavoda za pravnu pomoć u Zenici, broj: 20-34-20290/10 od 13.07.2010. godine i 20-34-765-4/13. od 11.03.2013. godine, te Odluke Komisije za davanje prethodne saglasnosti za popunu radnih mjesta u kantonalnim organima uprave i ostalim organima/ustanovama u kojima se plaće i druge naknade zaposlenih u cjelosti ili djelimično finansiraju iz budžeta Zeničko-dobojskog kantona, broj: 02-34-12082-4/18 od 05.10.2018. godine, direktorica Kantonalnog zavoda za pravnu pomoć objavljuje

JAVNI OGLAS
za popunu upražnjenog radnog mjesta namještenika u
Kantonalnom zavodu za pravnu pomoć u Zenici

“Viši referent za kontrolu korištenja poslovnih prostorija i obavljanje kurirskih poslova“-
1 (jedan) izvršilac na neodređeno vrijeme

Opis poslova radnog mjesta

Vrši kontrolu korištenja poslovnih prostorija, ulaska i izlaska stranaka u zgradu Zavoda, daje obavještenja i upućuje stranke koje su pristupile u zgradu Zavoda, daje obavještenja o vremenu prijema stranaka kod direktora i pomoćnika direktora, vrši spoljnu i unutrašnju dostavu pošte, vrši dostavu pošte u pravosudne organe, vrši dostavljanje i podizanje pošiljke putem PTT-a, obavlja i druge poslove koje mu, u skladu sa zakonom, naloži direktor Zavoda. Odgovoran je za dosljednu primjenu usvojenih procedura i uputstava radi provođenja sistema upravljanja kvalitetom prema zahtjevima propisanim ISO standardima.

Uslovi za obavljanje poslova radnog mjesta

Pored općih uslova propisanih članom 24. zakona o namještenicima u organima državne službe Federacije Bosne i Hercegovine(da je državljanin Bosne i Hercegovine, da je punoljetan, da ima opću zdravstvenu sposobnost za obavljanje poslova predmetnog radnog mjesta, da ima vrstu i stepen školske spreme potrebnu za obavljanje poslova radnog mjesta prema pravilniku o unutrašnjoj organizaciji organa državne službe, da u posljednje dvije godine od dana objavljivanja ovog javnog oglasa nije otpušten iz organa državne službe kao rezultat disciplinske kazne na bilo kojem nivou vlasti u Federaciji Bosne i Hercegovine, odnosno u Bosni i Hercegovini, da nije obuhvaćen odredbom člana IX 1. Ustava Bosne i Hercegovine), kandidat treba da ispunjava i sljedeće posebne uslove i to:

- SSS - srednja stručna sprema - IV stepen,
- najmanje deset mjeseci radnog staža u struci i spremi,
- položen stručni ispit (za rad u organima uprave).

Vrsta djelatnosti: dopunski poslovi osnovne djelatnosti.

Grupa poslova i složenost: djelimično složeni poslovi

Status izvršitelja: namještenik

Pozicija radnog mjesta: viši referent

Uz obaveznu prijavu sa kratkom biografijom, potrebno je dostaviti (original ili ovjerenu kopiju):

1. diplomu/svjedočanstvo o školskoj/stručnoj spremi;
2. uvjerenje o položenom stručnom ispitu;

3. uvjerenje o državljanstvu (ne starije od šest mjeseci od dana izdavanja);
4. izvod iz matične knjige rođenih (trajni);
5. potvrdu o radnom stažu (pod radnim stažom podrazumijeva se isključivo radni staž nakon stečene srednje školske spreme i isključivo na poslovima srednje školske spreme);
6. izjavu ovjerenu od nadležnog organa da u posljednje dvije godine od dana objavljivanja javnog oglasa nije otpušten iz organa državne službe kao rezultat disciplinske kazne na bilo kojem nivou vlasti u Federaciji Bosne i Hercegovine odnosno u Bosni i Hercegovini;
7. izjavu ovjerenu od nadležnog organa da nije obuhvaćen odredbom člana IX 1. Ustava Bosne i Hercegovine.

Napomena za kandidate:

Izabrani kandidat će, prije stupanja na posao, biti dužan dostaviti ljekarsko uvjerenje o općoj zdravstvenoj sposobnosti za obavljanje poslova navedenog radnog mjestana kao i uvjerenje da se protiv istog ne vodi krivični postupak.

Za kandidate koji budu ispunjavali sve uslove Javnog oglasa, obavit će se intervju, a koji će se odnositi na poslove iz opisa radnog mjesta za koje su podnijeli prijavu.

Neblagovremene i nepotpune prijave neće se uzimati u razmatranje.

Oglas ostaje otvoren petnaest (15) dana od dana objavljivanja, računajući od dana posljednje objave javnog oglasa u 3 (tri) dnevna lista koji se distribuiraju na području Federacije Bosne i Hercegovine.

Prijave sa kratkom biografijom, adresom, kontakt telefonom i dokazima o ispunjavanju uslova iz oglasa, treba dostaviti lično na protokol Zeničko-dobojskog kantona ili putem pošte preporučeno, na adresu: **Kantonalni zavod za pravnu pomoć u Zenici, ulica Kočevska čikma broj 1, Zenica**, sa naznakom: **„za Javni oglas-ne otvarati“**.

